

Kmera lingvo

La **kmera** aŭ **kamboĝa lingvo** (kmere: ភាសាខ្មែរ [pʰiə.ˈsaː.kʰmae]) estas membro de la mon-kmera grupo de aŭstralazia lingvaro, parolata de ĉirkaŭ 8 milionoj da homoj en Kamboĝo. La kmera estas parenca al la vjetnama kaj havas kune multajn proprecojn kun la taja, kiel rezulto de jarcentoj de ambaŭdirekta prunteprenado.

Khera skribo

La kmera alfabeto devenas de la bramia skribo de antikva Hindio per la skribo palava, kiu estas uzita en suda Hindio kaj Sud-Orienta Azio dum la 5^a kaj 6^a jarcentoj post Kristo. La plej antikva datita enskribaĵo en la kmera estas el la 611-a jaro post Kristo.

La kmera alfabeto forte similas al la taja kaj laosa alfabeto, kiuj estas disvolvitaĵoj de ĝi.

Proprecoj:

- La kmera alfabeto estas silabiga alfabeto, en kiu ĉiu konsonanto havas du formojn; unu kun alligita a (unua serio) kaj unu kun alligita o (dua serio).
- Vokaloj estas indikataj uzante aŭ apartajn literojn aŭ diakritajn signojn, kiuj estas skribataj super, sub, antaŭ, post aŭ ĉirkaŭ konsonantoj. La prononco de la vokaloj dependas de la konsonanto, al kiu ili estas alligitaj, ĉu estas de la unua aŭ dua serio.
- Ĉiuj konsonantoj havas subskribatan formon, kiu estas uzata kiam ili aperas post alia konsonanto.
- En kmera teksto, oni ne trovas interspacojn inter la vortoj; anstataŭe interspacoj indikas la finon de frazo aŭ frazoparto.

Gramatikoj kaj vortaroj de la kmera

- Jacob, Judith Margaret, *A concise Cambodian-English dictionary* / Judith M. Jacob, London [etc.] : *Oxford University Press*, 1974, XXXIV, 242 paĝoj, Bibliografio.; Literaturregistro. ISBN 0-19-713574-9 angle
- Khin, Sok, *La grammaire du khmer moderne* / Khin Sok, Pariso : *Editions You-Feng*, 1999, 620 paĝoj. Titola varianto : *vè:yyi:ēka:(r) phì:ēsa: khmae(r)* Transkripto de Khmer Titolo. ISBN 2-84279-086-3 france
- Levi Truffert, Bruno, *Dictionnaire de poche français-khmer, khmer-français* / Bruno Levi Truffert, Pariso : *Librairie You Feng*, jaro 2005; 233, 235 paĝoj. Paralela titolo: *Kaoono vatchanaanu krom Khmeer- Barang, Barang-Khmeer*. ISBN 2-84279-261-0 france
- Sok Bun, Chamroeun; Hok Sreang Hean. Esperanta-kamboĝa vortaro. [Rotterdam]: Universala Esperanto-Asocio, 1976. 148 p. — 20x14 cm. ĉirkaŭ 2 600 kapvortoj Esperanto → kamboĝa. esperante

Aliaj projektoj

Elŝutita el "https://eo.wikipedia.org/w/index.php?title=Kmera_lingvo&oldid=6982181"

Ĉi tiu paĝo estis lastafoje redaktita je 16:29, 17 jun. 2020.

La teksto disponeblas laŭ la permesilo [Krea Komunaĵo Atribuite-Samkondiĉe 3.0 Neadaptita](#); eble aldonaj kondiĉoj aplikeblas. Vidu la [uzkondiĉojn](#) por detaloj.